

Zdravstveno-zagovarački
odbor mladih (Y-HAB), PROI
Pehlivanuša 5,
71000 Sarajevo



Sarajevo, 14.02.2022.

Dom naroda Parlamenta FBiH

n/r: Tomislav Martinović, predsjedavajući
Delegati u Domu naroda Parlamenta FBiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 14-02-2022			
Org. jed.	Broj	Priloga	Vrijednost
02	-02-	4/4	1/17

Usvojite Prijedlog Zakona o kontroli duhana u Federaciji BiH i zaštitite zakon od uticaja duhanske industrije

Poštovani delegati i delegatkinje Doma naroda Parlamenta FBiH,

Mi, mladi aktivisti i aktivistkinje iz zdravstveno-zagovaračkog odbora mladih (Y-HAB), zahvaljujemo se vama za postavljanje na dnevni red prijedloga Zakona o kontroli i ograničenoj upotrebi duhana, duhanskih i ostalih proizvoda za pušenje koji će biti razmatran na sljedećoj sjednici Doma naroda PFBiH 17.02.2022. Usvajanje ovog zakona u njegovom izvornom obliku bi bio progresivni iskorak koji je ključan za zdravlje stanovništva, a posebno mladih.


Zabrinuti smo nedavnim procesima i upućenim amandmanima na Prijedlog ovog zakona, koji pokušavaju oslabiti njegove progresivne mjere i ugroziti kreiranje sredine slobodne od duhanskog dima i drugih emisija prouzrokovanih konzumiranjem duhanskih proizvoda u zatvorenim javnim prostorima. Naglašavamo, bilo kakvo dopuštanje konzumacije kako konvencionalnih tako i novih duhanskih proizvoda stvara rizike po zdravlje stanovništva. Posebno nas zabrinjavaju amandmani ciljani na isključivanje barova iz zabrane pušenja na javnim mjestima. Podsjećamo, posjetioci a posebno radnici/ce barova su mladi ljudi, koji bi bili nezaštićeni i primorani narušavati svoje zdravlje udišući duhanski dim. Računamo na vaš glas da osigurate zdravu sredinu bez diskriminatornih regulativa, uključujući mlade koje rade i borave u barovima.

Iskustva iz drugih zemalja tokom donošenja sličnih politika pokazuju aktivne intervencije i lobiranje od strane duhanske industrije, koja različitim manipulacijama pokušava utjecati na proces donošenja odluka. Molimo delegate i delegatkinje Doma naroda da se odupru takvim intervencijama stranih kompanija, koji za račun zdravlja naših ljudi povećavaju svoj profit, prodavajući i reklamirajući svoje, po zdravlje štetne proizvode. To je i slučaj i sa novim, grijanim duhanskim proizvodima, koji se agresivno promoviraju kao proizvodi "manjeg rizika", dok u stvarnosti još uvijek sadržavaju nikotin, tvar koja izaziva ovisnost, a postoje dokazi i da emitiraju kemijske tvari, uključujući nekoliko toksičnih tvari.

Kao potpisnica FCTC SZO, BiH se obavezala da njeni donosioci odluka pri kreiranju zdravstvenih politika u oblasti kontrole duhana moraju „... djelovati tako da zaštite te politike od komercijalnih i drugih prikrivenih interesa duhanske industrije u skladu sa zakonom“ (Član 5.3). Vjerujemo da ćete stati na stranu zdravlja i podržati ovaj bitan zakon bez bilo kakvih promjena koje mogu ugroziti njegovu efikasnost.

y-hab@proi.ba
+387603571231

Zdravstveno-zagovarački
odbor mladih (Y-HAB), PROI
Pehlivanuša 5,
71000 Sarajevo



S poštovanjem,

Jasmina Čekrić

Lana Novalić

Ajdin Bećirović

Senida Hadžić

Džana Zerem

Ajsela Kučinar

Omar Memišević

Azra Pašalić

Mubina Šašić

Emina Pašanović

Vedad Resić

Behija Durić

Amer Bajramović

y-hab@proi.ba
+387603571231